

Ա. Սրապյան

ՊԼՈՒՋ ՀՈՎՀԱՆՆԵՍ ԵՐՋՆԿԱՑՈՒ ՄԻ ԲԱՆԱՍՏԵՂԾՈՒԹՅԱՆ ՄԱՍԻՆ

13-րդ դարը հայ գրականությունն է ափել մի խումբ անվանի բանաստեղծների, որոնցից ժամանակով առաջինն է իր դարի ամենափայլուն դեմքերից մեկը՝ հայանի մատենագիր, գիտնական և հասարակական-քաղաքական գործիչ Հովհաննես Երզնկացին¹։ Պլուզը նրա անունով մեզ հասել են մեծ թվով չափածո ստեղծագործություններ, որոնցից առանձին ուշագրություն են արժանի իմաստարանական, խոհա-խրատական քերթվածները և որոնց մի մասն առ այսօր մնում է անտիպ²։ Դրանց հիմնական նպատակներից մեկն է ուղղել մարդու և հասարակության մեջ եղած արատները, ուսուցանել, կրթել սերունդը, բարձրացնել հասարակության կուլտուրան, բարոյական մակարդակը, զարգացնել միտքը։ Այդ բանաստեղծությունները ոչ թե հեղինակի անմիջական տպավորություններն են, այլ բնական և հասարակական երևույթների խորը ճանաչողությունից, ուսումնասիրությունից ծագած մաքուր, դատողություններ, խոհեր։ Դրանք գրեթե բոլորովն են ոչ միայն մարդու ներաշխարհը՝ նրա հույզերը, խոհերն ու մտորումները, այլև հասարակական-քաղաքական կյանքի, սոցիալ-անտեսական հարաբերությունների մի շարք ուշագրավ կողմեր։ Այս առումով առանձնապես հետաքրքիր է «Յոհաննու մեծի մականունը Պլուզ. ասացելա ի խնդրոյ Յակորայ Մանկաւազի Եղընգեցոյ» բանաստեղծությունը³, որը առնչվում է իր ժամանակի համար մեծ հետաքրքրություն ներկայացնող մի կարևոր պատմական իրողության հետ։

1280 թ. Երզնկայում կազմակերպվում է «Եղրայրություն», որի համար կանոններ է գրել Հովհաննես Երզնկացին. «Սահման և կանոնք միարանութեան և եղրայր, որք առաւածային սիրովն միարանեցան յեղրայրութիւն միմեանց ի մայրաքաղաքս մեծ յեղնկայս ի բուականին Չիթ։ Աստ հանգիպելով և ձերունի վարդապետն Գրիգոր Սանահնեցի, որ և գրեցաւ ի գլուխ եղրայրութեան և ևս նուաւս վարդապետ Յովհաննէս Եղնեցի գրեցի զսահման և զխրատ եղրայրութեան...»⁴։

Թե ի՞նչ է իրենից ներկայացնում այդ կազմակերպությունը, մանրամասն գտնում ենք պատմաբան Լ. Խաչիկյանի ուսումնասիրության մեջ⁵։ Հիմնվելով Երզնկացու հիշյալ աշխատության վրա, որտեղ շարադրված են «Եղրայրություն» կազմակերպման նպատակներն ու ներքին կանոնները, Խաչիկյանն հանգում է այն եզրակացությանը, թե Երզնկայի այդ «Եղրայրությունը» քա-

¹ Երզնկացու բանաստեղծություններն ընդհանրապես ի մի բերած և հրատարակված չեն։

² Բանաստեղծությունը պահպանված է Երևանի Մատենադարանի երեք ձեռագրում՝ № 2079 (1553), ԼՂ 801, 3595 (ԺԵ—ԺԶ), ԼՂ 93բ, 7708 (ԺԷ), ԼՂ 48ա։

³ ՉԼԸ. № 2329 (1291), ԼՂ 287բ։

⁴ Լ. Խաչիկյան, 1280 թվականին Երզնկայում կազմակերպված եղրայրությունը, ՀՍՍՐ ԳԱ «Տեղեկագիր», 1951, № 12, էջ 73։

դաժանիքին աշխատավորական շերտերի՝ առևտրականների ու արհեստավորների մի կազմակերպություն է:

Երզնկացու աշխատությունից՝ «Սահմանք»-ից պարզվում է, որ «Երրայրու թվան» մեջ համախմբված Վերիտասարդ և աղայահասակ մանկունք-ը պարտավոր էին միասնական ուժերով պայքարել ընդդեմ թշնամու, օգնել միմյանց աղքատություն, հիվանդություն, մահվան դեպքերում, հյուրընկալել օտարներին, կատարել իրենց անձնական վարքի հետ կապված շատ կանոններ և այլն: Ահա դրանցից մի քանիսը.

«Յամենալն աւր երեք անգամ չաղաւթս կացէք, ի լուսանալ աւուրն և ի ժամ ուտելոյ և երիկունն ի ժամ քնոյն. չամէն ժամ տասներկու ժունը ալը մարդն և քսան կին մարդն և որ ալ աւելի կարէ...»:

«Շարաթն աւրն և կիրակն անպատճառ չկկեղեցին երթալցէք...»:

«Եւ եթէ ոք ի փորձութիւն մեղաց անգեալ ի ձեռս սատանայի մատնեցի, ամենալն եղբարքն աղաւթիւք և բարի խրատով և ողորջանաւք ալլի սատալիք և ամենալն հնարիւք աղատեցեն զանգեալն ի ծառայութիւն մեղաց...»:

«Եւ եթէ ոք չաղքատութիւն անցի և ի չքաւորութիւն մարմնոյ, ալլ եղբարքն բոս կարողութեան և բոս ոժոյ աւգնեցեն և աղքատ եղբարն աւգնելոյ...»:

«Եւ եթէ ոք ի տկարութիւն և ի ցաւ հիւանդութեան մարմնոյ անցի, չամենալն աւր չեղբայրութենէն ի տեսութիւն գնացեն և զհիւանդացեալն միթարեցեն...»:

«... որ և ալ ոց բարի արտեցեն, որ գան ի հետաւոր աշխարհաց... առ պրնջական և հանկոցիչ լիցին...»:

Քննություն ենթարկելով «Յոհաննու մեծի մականուն Պոլուզ. աւագեալ ի խնդրոյ Յակոբայ Մանկաւազի Եզրնգեցոյ» բանաստեղծությունը (որ գրված է շուրջ 1290 թվականին, կենդանի, խոսակցական լեզվով՝ միջին հայերենով, գլխադրված և սրամիտ ոճով), այնտեղ գտնում ենք «Սահմանք»-ում շարադրված համարյա բոլոր կանոնները: Բանաստեղծությունը կառուցված է այնպես, որ հնարավորություն է տալիս պարզել քաղաքային առևտրա-արհեստավորական շերտերի, մասնավորապես մանկունքների ու նրանց ավագների կենցաղի, վարքի ու գաղափարախոսությունն որոշ կողմեր:

Նախ պարզենք, թե ի՞նչ է նշանակում մանկաւազ և թե ո՞վ էր Հակոբ Մանկաւազը, որի խնդիրքով հովհաննես Երզնկացին գրել է իր բանաստեղծությունը:

Մանկալի բառը հայերենում գործածվել է բազմաթիվ և տարբեր իմաստներով՝ տղա, պատանի, երիտասարդ, քառել արհեստավոր, զինվոր և այլն: Ըստ այդմ էլ մանկաւազը կարող էր նշանակել մի խումբ երիտասարդների՝ մանկախնների ավագ կամ ղեկավար: Սակայն մանկաւազ բառը մեր մատենագրություն մեջ օգտագործվել է նաև քաջ զորական, կտրին, լրավոր, նմանապես և ուսուցիչ կամ վարժապետ իմաստներով²: Ուրեմն Հակոբը երիտասարդ-

¹ Ձեռ. №. 2329, էջ 291բ—293բ:

² Մանկաւազ բառի այս իմաստները նշվում են՝ Սևակոն բառարան հայկապետան լեզուի, 1805, էջ 539. Լ. Ալիշան, Հայապատում, Վենետիկ, 1901, էջ 352 և Լ. Աճառյան, Հայոց անձնանունների բառարան, հատ. Գ, էջ 203:

ներից բաղկացած, գուցե և իրոք սպառնալից լի, ինչ որ մի խմբի ավագն էր՝ թե ի՞նչ գործով զբաղվող երիտասարդների՝ մանկությունների ավագ էր նա, պարզվում է հետևյալից.

Իմեկտով Հակոբ Մանկտավագին, Երզնկացին նրան մեղադրում է իր պարտավորությունները չկատարելու մեջ և հորդորում զարթնել ժի քնոյն, թողնել ինչ որ գործել է չար և այնուհետև ուղիղ ճանապարհով բնթանալ։ Ապա հենց ինքր՝ Հակոբը մեկ առ մեկ թվում է իր մեղքերը և ամենի համար առանձին-առանձին ներումն հայցում.

Ճրբադ մարմնոյս է իմ խաւար,
Աչքոն հոգոյս դարձեալ է չար,
Տեսն աղբատաց ինձ դայ գրծար,
Զարթո՛յ գիս, տէ՛ր, ի քնոյ մեղաց։

Ողորմութեան չեմ լեալ զդոյշ,
Ոչ եմ արկել ևս փող ի գուշ,
Ոչ եմ քաղել զմեղացն փուշ.
Զարթո՛յ գիս, տէ՛ր, ի քնոյ մեղաց։

Աղօթից ծոյլ եմ, չեմ ըստէպ,
Ժամատեղեաց չեմ լեալ հանգէպ,
Վաղն զժողքն է ինձ ի դէպ,
Զարթո՛յ գիս, տէ՛ր, ի քնոյ մեղաց։

Պահոց պահոց չեմ, այլ կերող,
Որբոց, այրեաց եմ ևս զբրկող,
Ընդ խնդացողս եմ ևս լացող,
Զարթո՛յ գիս, տէ՛ր, ի քնոյ մեղաց։

Հիւրոց չեմ լեալ ասպնջական,
Ոչ եմ տուեալ տեղի յիմ տան,
Ոչ աղքատաց ածել սեղան,
Զարթո՛յ գիս, տէ՛ր, ի քնոյ մեղաց։

Քաղցելոց չեմ լցեալ ապուր,
Ոչ արբուցել ծարաւեաց քուր,
Ոչ ընկալեալ յիմ տանն հիւր,
Զարթո՛յ գիս, տէ՛ր, ի քնոյ մեղաց։

Մերկոց հանգերձ չեմ հաղուցել,
Ոչ հիւանդաց տես դնացել,
Ոչ բանտարդել մխիթարել.
Զարթո՛յ գիս, տէ՛ր, ի քնոյ մեղաց։

Բաղդատելով «Մահմանքի»-ի վերևում բերված հատվածը և բանաստեղծության այս տողերը իրար հետ, տեսնում ենք, որ Հակոբ Մանկտավագը պարտավոր է եղել առաջնորդվել այն սկզբունքներով, որով ղեկավարվել են և «Եղբայրություն» անդամները։ Մա հիմք է տալիս եզրակացնելու, թե նա նույն «Եղբայրություն» անդամներից էր։ Եվ քանի որ Երզնկայի «Եղբայրություն» միավորում էր քաղաքի երիտասարդ արհեստավորներին ու առևտրականներին, անտարակասելի է դառնում, որ Հակոբ Մանկտավագը ևս նրանցից մեկն էր, սակայն ավագներից։

Բանաստեղծության այդ տողերը ցույց են տալիս նաև, որ Հակոբ Մանկտավագը, որքան էլ չափազանցված լինեն նրա մեղքերը, չի կատարել իր պարտավորությունները, չի հետևել «Եղբայրություն» կանոններին. ավելին, նա հակառակն է գործել՝ զրկել է որրերին ու այրիներին, խուսափել է աղքատներից, ասպնջական չի սղել օտարներին, պահք չի պահել, եկեղեցի չի գնացել, այլև կեր ու խումով, զվարճություններով է անցկացրել իր ժամանակը.

Մընաս ի մէջ մեղացդ ի բուռն,
Թմբիս երկայն գիշերն ի բուռն,

Զգիտես զյագորդող որպէս բղշուռն,
Յակոր, զարթի՛ր ի քնոյ մեղաց (էջ 801)

ասում է նրա մասին Հովհաննես Երզնկացին։

Հարկավ, միայն Հակոբ Մանկտավազը չէ, որ չի հետևել «Մահամանք»-ի թարոյական սկզբունքներին, այլ նրա հետ եղել են և ուրիշները՝

Անհավանական չի լինի այդ «ուրիշների» մեջ նկատել նաև Հովհաննես Երզնկացու հաջորդներից մեկի՝ 13—14-րդ դարի հռչակավոր տաղերգու Կոստանդին Երզնկացու մի բանաստեղծության մեջ հիշվող եղբայրներին¹, որոնք սիրել են կյանքի վայելքները և հասկապես խնդրել իրենց համար աշխարհի ու սիրտ բաներ զրկել։

Եղբարք մի կան հետ մեզ սիրով,
Աշխարհի բան ուզեն զրով.
Նայ ես մասն այն յայտնի ձայնով
Սիրու բաներս ասցի յուով²։

Եղբայրների կյանքին ու կենցաղավարությանը վերաբերող այս տեղեկությունները հնարավորություն են ընձևում որոշ եզրակացությունների հանդեպ նաև նրանց գաղափարախոսության մասին։

Այն հանգամանքը, որ Հակոբ Մանկտավազը, ինչպես և «Եղբայրություն» մյուս անդամները առաջնությունը տալով աշխարհային, մարմնական վայելքներին և ոչ հանդերձյալին, չեն կատարել հոգու պահանջները, ավետարանական խրատները, ցույց է տալիս, որ նրանք ոչ միայն թերացել են հավատի հարցերում, այլև հակադրվել են եկեղեցու իդեոլոգիական սկզբունքներին և ստեղծել են իրենց գաղափարական հասկացությունները։

XIV—XV դարի պատմիչ Մխիթար Ապարանեցու մոտ հանդիպում ենք Հակոբ Մանկտավազին վերաբերող մի շատ հետաքրքիր հիշատակության, որը ոչ միայն չի ժխտում այդ եզրակացության հավանականությունը, այլև հաստատուն հիմք է տալիս դրան։ X—XV դարերի հայ աղանդավորների մասին խոսելիս նա գրում է.

«Իսկ հայերն, որ կոչին Գորգեցիք. ասեն, որպէս Նոյանցն ելեալ ի յուժեմնէ Նոէ, եթէ Բրիստոս է Հայր և Որդի և Հոգի Սուրբ. և ըստ այնպիսեացն յիմարութեանցն համարեալ լինի՝ եթե Սուրբ Երրորդութիւնն չարչարեցաւ և մեռաւ Վասն այնորիկ և բազումք ի հայոց ուրացան զԵրրորդութիւն անձանցն, որպէս զՍարկի, և ասէին վասն Բրիստոսի, եթէ ինքն է Հայր, ինքն է Որդի և ինքն Հոգին Սուրբ. և յայնմ չար աւանդութեանց բազումք ստորեալ այնպէս ասէին. որպէս և հանապազորդ յագօթան իւր ասէր Յակոբ Մանկտավազն»³։

Փ. քր ինչ հետո Ապարանեցին խոսում է նաև Երզնկայում եղած ուրիշ աղանդավորների մասին ընդհանրապես։

Եթե ճշմարիտ է, որ Մխիթար Ապարանեցու հիշատակած Յակոբ Մանկտավազը և Երզնկացու բանաստեղծության պատվիրատուն նույն անձնավորությունն են, իսկ դա հավանական է, և Հակոբ Երզնկացի Մանկտավազը աղանդավոր է, ապա կարելի է եզրակացնել, թե ոչ միայն նա, այլ Երզնկայի

¹ Այս մասին տե՛ս Լ. Խաչիկյան, 1280 թ. Երզնկայում կազմակերպված եղբայրությունը, էջ 84։

² Մ. Պոստոլյան, Կոստանդին Երզնկացի և իւր քերթուածները, Վենետիկ, 1903, էջ 171։

³ Լ. Ալիշան, Հայապատում, էջ 552։

«Եղբայրության» ուրիշ անդամներ ևս, որոնց հետ կապ է ունեցել Հակոբը, հարել են հերձվածողական, աղանդավորական շարժումներին:

Երզնկայից բացի մանկտավագներ են հիշվել նաև Վանում, Կաֆայում, Սուլթանիայում և այլուր¹: Սրբյոք այս չի նշանակում, թե այդ ուրիշ վաճառաշահ քաղաքներում նույնպես գոյություն են ունեցել եթե ոչ Երզնկայի «Եղբայրության» տիպի կանոնավոր կազմակերպություններ, ապա առևտրա-արհեստավորական որոշ միավորումներ, որոնց անդամներից կամ ղեկավարներից են եղել այդ մանկտավագները:

«Յոհաննու մեծի մականուն Պըլուդ. ասացիալ ի ինդրոյ Յակորայ Մանկտաւագի Եզընգեցոյ» բանաստեղծությունը հիմք է տալիս մի վերջին եզրակացության ևս:

Հովհաննես Երզնկացին ոչ միայն գրել է Երզնկայի «Եղբայրության» «Սահմանք»-ը, այլև շարունակաբար հետաքրքրվել է այդ եղբայրների վարք ու բարքով և հետագայում ևս, մոտավորապես XIII դարի 90-ական թվականներին, նոր խրատականներ է գրել նրանց համար²:

¹ Լ. Խաչիկյան, 1280 թ. Երզնկայում կազմակերպված եղբայրությունը, էջ 78—79.

² Տե՛ս նաև «Աղամայ որդիք ամէն ու ծնունդ ի հողէն» բանաստեղծությունը. ձեռ. № 8029 (1376), էջ 236ա: